

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinski načelnik

Broj: 01-11-2133/2024  
Datum: 28.01.2025. godine

PREDMET: Obavještenje o rezultatu postupka javne nabavke,

Na osnovu člana 71. Zakona o javnim nabavkama (Službeni glasnik BiH", broj 39/14, 59/22 i 50/24), obavještavamo Vas da smo u postupku javne nabavke radova „Izgradnja poslovno-proizvodnog objekta IV faza“, donijeli odluku o poništenju postupka javne nabavke.

Prilog:

- Odluka o poništenju postupka javne nabavke

Dostavljeno:

1. „ENIKS-NERI“ d.o.o. Sapna
2. Web stranica općine Sapna
3. a/a



OPĆINSKI NAČELNIK

Zudin Mahmutović

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
Općinski načelnik

Broj: 01-11-2133/2024  
Datum: 28.01.2025. godine

Na osnovu člana 68 stav 1., 69. stav 1. tačka b) i člana 70. stav 1. 4. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 41. Statuta Općine Sapna („Službeni glasnik Općine Sapna“, broj: 6/07,8/09 i 3/12), Općinski načelnik d o n o s i

## **ODLUKU o poništenju postupka javne nabavke**

### **Član 1.**

Poništava se postupak javne nabavke radova u predmetu „Izgradnja poslovno-proizvodnog objekta IV faza“, iz razloga što jedini prihvatljivi ponuđač „ENIKS-NERI“ d.o.o. Sapna nije dostavio tražene dokaze iz člana 45. stav (1) tačke a) do d) Zakona o javnim nabavkama BiH („Službeni glasnik BiH“ broj: 39/14, 59/22 i 50/24).

### **Član 2.**

Za izvršenje ove odluke zadužuje se Služba za privredu, budžet i finansije.

### **Član 3.**

Ova Odluka objaviće se na web stranici [www.opcinasapna.ba](http://www.opcinasapna.ba) istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav 6. i 71. stav 2. Zakona o javnim nabavkama Bosne i Hercegovine.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke radova „Izgradnja poslovno-proizvodnog objekta IV faza“, broj: 01-11-2133/2024 od 26.12.2024. godine. Javna nabavka je provedena putem otvorenog postupka. Procijenjena vrijednost javne nabavke bez PDV-a iznosi: 180.481,66 KM (slovima: stoosamdesethiljadačetiristotineosamdesetjedan i 66/100 konvertibilnih maraka).

Obavještenje o nabavci broj 606-1-3-123-3-102/24 objavljeno je na portalu javnih nabavki dana 26.12.2024.godine zajedno sa Tenderskom dokumentacijom. Komisija za javnu nabavku imenovana je Rješenjem broj: 01-11-2133/2024 od 16.01.2025. godine. Tendersku dokumentaciju sa portala javnih nabavki preuzelo je 15 (petnaest) kandidata među kojima su i ponuđači: „ENIKS-NERI“ d.o.o. Sapna i „ELEKTROCENTAR PETEK“ d.o.o. Tuzla. Komisija je dostavila Općinskom načelniku Zapisnik o zaprimanju ponuda, Zapisnik o otvaranju ponuda, Zapisnik o ocjeni ponuda, Preporuku za izbor najpovoljnijeg ponuđača, Izvještaj o radu i prijedlog Odluke o izboru najpovoljnijeg ponuđača. Po izvještaju o radu je utvrđeno, da je Komisija za javnu nabavku blagovremeno i pravilno izvršila otvaranje pristiglih ponuda kao i pregled i ocjenu istih, o čemu je sačinila odgovarajuće zapisnike i izvještaj o radu. Po zapisnicima i izvještaju je utvrđeno slijedeće:

- da su blagovremeno pristigle ponude od dva ponuđača,
- da je ponuda ponuđača „ENIKS-NERI“ d.o.o. Sapna najpovoljnija i prihvatljiva po ugovorni organ,
- da je ponuda ponuđača „ELEKTROCENTAR PETEK“ d.o.o. Tuzla neprihvatljiva jer cijena ponude prelazi planirana, odnosno osigurana novčana sredstva ugovornog organa za nabavku.

Uvidom u priloženu dokumentaciju, neosporno je da je izabrani ponuđač „ENIKS-NERI“ d.o.o. Sapna prvorangiran i u skladu sa uslovima i kriterijima utvrđenim u Tenderskoj dokumentaciji za ovaj postupak, na osnovu čega je donešena Odluka o izboru najpovoljnijeg ponuđača broj 01-11-

2133/2024 od 17.01.2025. U Tenderskoj dokumentaciji tačka 11. „Lična sposobnost“ decidno stoji „Ponuđač kojem bude dodijeljen ugovor, obavezan je u roku od **sedam** dana od dana zaprimanja obavještenja o rezultatima postupka, dostaviti slijedeće dokumente kojima će potvrditi činjenice navedene u izjavi“, iz Člana 45. Zakona o javnim nabavka BiH, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona o javnim nabavka BiH. Shodno tome Odredbom člana 68 stav 1. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24), propisano je „Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. ovog zakona“.

U postupku je utvrđeno da jedini prihvatljivi ponuđač „ENIKS-NERI“ d.o.o. Sapna nije dostavio dokaze iz člana 45. Zakona o javnim nabavka BiH, čime su se stekli zakonski uslovi za poništenje postupka predmetne nabavke.

Iz naprijed navedenih razloga, primjenom člana 69. stav 1. tačka b) Zakona o javnim nabavkama Bosne i Hercegovine, odlučeno je kao u dispozitivu ove odluke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od deset dana od dana prijema odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštom i ista se podnosi u najmanje tri primjerka.

Naknada za žalbu propisana je članom 108. Zakona o javnim nabavkama Bosne i Hercegovine.

Dostavljeno:

1. „ENIKS-NERI“ d.o.o. Sapna,
2. Na web stranicu Općine Sapna i
3. a/a.



OPĆINSKI NAČELNIK

Zudin Mahmutović